

“TASDIQLAYMAN”
«InFinBANK» AJ
Boshqaruv Raisi o‘rinbosari
B.S. Jo‘rayev

**Milliy va chet el valyutalarida muddatli omonat ochish va unga xizmat
ko‘rsatish uchun shartnoma tuzish bo‘yicha jismoniy shaxslarga
OMMAVIY OFERTA**

1. UMUMIY QOIDALAR

1.1. O‘zbekiston Respublikasi, Toshkent shahri, 100029, T. Shevchenko ko‘chasi, 1-uy manzilida joylashgan “Invest Finance Bank” aksiyadorlik jamiyati (keyingi o‘rinlarda — “Bank”) ushbu bilan mazkur rasmiy taklifni qabul qilgan jismoniy shaxslarga (keyingi o‘rinlarda — “Mijoz”) quyida ko‘rsatib o‘tilgan harakatlarni amalga oshirish yo‘li bilan milliy va xorijiy valyutada muddatli omonat bo‘yicha (keyingi o‘rinlarda — “bank hisob raqami”, “hisob raqam” yoki “omnat”) amaliyotlarni amalga oshirish yuzasidan xizmatlarni taklif qiladi.

1.2. Ushbu ommaviy oferta Mijozga milliy va xorijiy valyutada muddatli omonat ochishda bank omonati shartnomasi hisoblanadi.

1.3. Ushbu shartnomaning predmeti bo‘lib, Bank tomonidan Mijozning pul mablag‘larini muddatli omonatga qabul qilish, barcha turdagi hisob-kitob va kassa xizmatlarini amalga oshirish, Mijozning bank hisob raqamiga tushayotgan pul mablag‘larini qabul qilish va o‘tkazish hamda Mijozning tegishli mablag‘larini o‘tkazish va berish bo‘yicha topshiriqlarini bajarish hisoblanadi.

1.4. Mijoz tomonidan Bank xizmatlari o‘z vaqtida to‘langanda va ushbu shartnoma bo‘yicha o‘z zimmasiga olgan barcha majburiyatlari bajarilganda, Bank tomonidan ushbu shartnoma bo‘yicha xizmatlar ko‘rsatiladi.

1.5. Omonat muddati tugagandan so‘ng, shartnoma “talab qilib olinguncha omonat” shartlari bo‘yicha uzaytirilgan hisoblanadi. Talab qilinmagan omonat summasi, shuningdek, omonat bo‘yicha barcha hisoblangan, lekin to‘lanmagan foizlar Bankda ochilgan “talab qilib olinguncha” hisob raqamiga o‘tkaziladi. Mablag‘lar “talab qilib olinguncha” hisob raqamiga o‘tkazilgan paytdan boshlab foizlar Bank Tariflariga muvofiq hisoblab boriladi.

2. SHARTNOMA TUZISH TARTIBI

2.1. Ushbu muddatli omonat shartnomasi mijoz-jismoniy shaxslar bilan ommaviy oferta shartlarida tuziladi. Jismoniy shaxs tomonidan mazkur ommaviy ofertaning 1-ilovasidagi shakl bo‘yicha Bankka ariza berilishi aksept (ushbu shartnomani tuzishga rozilik) deb hisoblanadi. Bank tomonidan aksept olingan va omonat summasi Bankka kelib tushgan paytdan boshlab ushbu shartnoma yozma shaklda tuzilgan deb hisoblanadi.

2.2. Bank hisob raqamini ochish Mijozning arizasi, shuningdek, uning shaxsini tasdiqlovchi hujjatning asl nusxasi asosida amalga oshiriladi.

2.3. Omonatning shartlari tegishli omonat pasportida ko‘rsatiladi (Ilova № 2).

3. FOIZLARNI HISOBLASH VA HISOBGA O‘TKAZISH SHARTLARI

3.1. Omonat bo‘yicha hisoblangan foizlar tegishli omonat shartlariga muvofiq to‘lanadi.

Omonat summasiga foizlar u Bankka (Mijozning omonat hisobvarag‘iga) kelib tushgan kunning ertasi kundan boshlab, to u Mijozga qaytariladigan yoki boshqa asoslarga ko‘ra Mijozning hisobvarag‘idan chiqarib tashlanadigan kundan oldingi kungacha hisoblab boriladi. Mijozning

hisobvarag'i bloklanganligi oqibatida Bank ushbu hisobvaraqdagi mablag'lardan foydalana olmagan bo'lsa, ushbu davr uchun foizlar hisoblanmaydi.

Juma kuni hisoblanadigan foizni hisob-kitob qilishda foizlar juma, shanba va yakshanba kunlari uchun odatda 3 kun hisobga olinishi kerak. Agar joriy oy juma yoki shanba kuni tugasa, u holda hisoblash mos ravishda bir yoki ikki kun oldin amalga oshiriladi. Hafta oxiridagi qolgan kun(lar) uchun foizlar keyingi oyning birinchi ish kuni hisoblanadi. Agar joriy oy shanba kuni tugasa, oy uchun oxirgi hisoblash juma kuni ikki kun (juma va shanba kunlari) uchun aks ettiriladi. Shundan so'ng keyingi dushanba kuni hisoblash keyingi ikki kun – yakshanba va dushanba kunlari uchun amalga oshiriladi. Bayram kunlariga ham xuddi shunday tartib qo'llaniladi.

3.2. Omonatni qisman, shuningdek muddatidan oldin yechib olish, omonatni to'ldirish va boshqa amallar tegishli omonat shartlariga muvofiq amalga oshiriladi.

3.3. Norezidentning O'zbekiston Respublikasidagi manbalardan olingan va doimiy muassasa bilan bog'liq bo'lmagan daromadlaridan olinadigan soliq norezidentga daromad to'lovchi soliq agenti tomonidan hisoblab chiqariladi va ushlab qolinadi. Soliqning ushlab qolinishi soliq to'lovchining daromadlaridan bunday daromadlarning har bir to'lovi vaqtida amalga oshiriladi.

4. MIJOZNING HUQUQ VA MAJBURIYATLARI

4.1. Mijoz quyidagilarga haqli:

- Bank hisob raqamida turgan o'z pul mablag'larini mustaqil boshqarish, o'z hisob raqamiga naqd va naqdsiz shaklda pul mablag'larini kiritish;
- agar O'zbekiston Respublikasining amaldagi qonunlarida boshqacha tartib nazarda tutilmagan bo'lsa, ushbu shartnoma va omonat shartlari bo'yicha omonat mablag'ini to'ldirish;
- omonat muddati tugagach, omonatni va u bo'yicha foizlarni talab qilish;
- Bankdan pul-hisob-kitob hujjatlarini tuzish va bank amaliyotlarini yuritish uchun zarur bo'lgan ma'lumotlarni olish;
- naqdsiz hisob-kitoblarni rasmiylashtirish tartibi to'g'risida ma'lumot olish;
- hisob raqamdagi mablag'larni shaxsan hamda o'z vakili orqali (ishonchnoma asosida) tasarruf etish, agar O'zbekiston Respublikasining amaldagi qonunlari bilan boshqacha tartib nazarda tutilmagan bo'lsa;
- Bankdan ushbu shartnoma shartlariga rioya qilishni talab qilish;
- o'zi olgan kredit (qarz) bo'yicha garovda turgan o'z hisob raqamidagi pul mablag'larini kredit (qarz)ni to'lashga yo'naltirish;
- ushbu shartnomani O'zbekiston Respublikasi qonun hujjatlarida belgilangan tartibda bekor qilish;
- ariza asosida SMS-xabardor qilish xizmatidan voz kechish;
- muddatli omonat hisobvarag'i ochilganda omonat daftarchasini o'z xohishiga ko'ra rasmiylashtirish yoki rasmiylashtirmaslik;
- agar Bankda yangi omonat daftarchalari mavjud bo'lsa va daftarcha sahifalari to'liq to'ldirilgan, yaroqsiz holga kelgan yoki yo'qolgan taqdirda, Bank Tariflariga muvofiq (agar bu Tariflarda nazarda tutilgan bo'lsa) vositachilik haqini to'lab, yangi omonat daftarchasini olish.

4.2. Mijoz quyidagilarni o'z zimmasiga oladi:

- Bankda belgilangan ish vaqtiga, to'lov hujjatlarini rasmiylashtirish va taqdim etish tartibiga, amaldagi qonun hujjatlari talablariga, shuningdek, O'zbekiston Respublikasi Markaziy bankining me'yoriy hujjatlariga rioya qilish;

- O‘zbekiston Respublikasining amaldagi qonunlariga muvofiq bank hisob raqami bo‘yicha hisob-kitoblarni amalga oshirish;

- o‘z hisob raqami holati to‘g‘risida ma’lumot olayotganda, o‘tkazilgan amaliyotlarning hisob-kitob hujjatlariga muvofiqligini tekshirish. O‘tkazilgan amaliyotlarda og‘ishlar, buzilishlar yoki shubhalar aniqlangan taqdirda, bunday ma’lumotlar olingan paytdan boshlab 2 ish kunidan kechiktirmay bu haqda Bankni yozma ravishda xabardor qilish;

- xizmatlar ko‘rsatilgan kun amal qilgan hisob raqamga xizmat ko‘rsatish uchun Bank tomonidan belgilangan tariflarga muvofiq bank xizmatlari uchun o‘z vaqtida haq to‘lash;

- Bankka taqdim etilgan hisob-kitob va boshqa hujjatlarda ko‘rsatilgan ma’lumotlarning noto‘g‘riligi uchun mustaqil ravishda to‘liq javobgar bo‘lish;

- shaxsini tasdiqlovchi hujjatlariga kiritilgan o‘zgarishlar, o‘zgargan yashash joyi va bog‘lanish telefon raqamlari to‘g‘risida darhol, shu kunning o‘zidayoq Bankni xabardor qilish, shuningdek, shaxsni tasdiqlovchi hujjatlarning nusxalarini taqdim etish;

- hisob raqam bo‘yicha har qanday amaliyotni amalga oshirishda shaxsni tasdiqlovchi hujjatni (mijoz vakili uchun esa, shuningdek, belgilangan tartibda rasmiylashtirilgan ishonchnoma) taqdim etish;

- agar omonatchi muddatli omonatni muddati tugashidan oldin yoki boshqa nazarda tutilmagan holatlarda qaytarishni talab qilsa, qaytarishni mo‘ljallayotgan sanadan kamida bir oy oldin xabardor qilishi lozim;

- hisob raqam yopilgan kuni omonat daftarchasini Bankka qaytarish (daftarcha yo‘qotib qo‘yilgan holatlar bundan mustasno).

4.3. Mijoz O‘zbekiston Respublikasining amaldagi qonunlariga muvofiq boshqa huquq va majburiyatlarga ham ega bo‘lishi mumkin.

5. BANKNING HUQUQ VA MAJBURIYATLARI

5.1. Bank quyidagilarga haqli:

- hisob raqamga nisbatan talab qo‘yilganda pul mablag‘larining mavjudligini va Mijozning ushbu mablag‘larni hisob raqamdagi mablag‘ doirasida erkin tasarruf etish huquqini kafolatlagan holda Mijozning bank hisob raqamidagi pul mablag‘laridan moliyaviy resurslar manbai sifatida foydalanish;

- omonat muddati tugagandan so‘ng omonat summasini va unga hisoblangan foizlarni talab qilib olinguncha omonatga o‘tkazish;

- Bank tariflariga muvofiq Bankka to‘lanishi lozim bo‘lgan vositachilik haqini Mijozning hisob raqamidan akseptsiz yechib olish;

- hisob raqamga xizmat ko‘rsatish uchun tariflarni belgilash;

- Mijoz tomonidan amaldagi qonun hujjatlarini, jinoyat faoliyatidan olingan daromadlarni legallashtirishga va terrorizmni moliyalashtirishga hamda ommaviy qirg‘in qurollarini tarqatishni moliyalashtirishga qarshi kurashish to‘g‘risidagi qonun hujjatlarini buzganlik holatlari mavjud bo‘lganda, shuningdek hisob-kitob hujjatlarini rasmiylashtirish tartibi va ularni Bankka taqdim etish muddatlari buzilganda Mijozning bank hisob raqami bo‘yicha amaliyotlarni to‘xtatib turish yoki ularni amalga oshirishni rad etish;

- Mijoz yoki uning operatsiyasi sanksiyalar doirasiga kirsa yoki unga kirish xavfi mavjud bo‘lgan taqdirda, Bank Mijoz tomonidan o‘tkaziladigan operatsiyani o‘rganish uchun qo‘shimcha ma’lumotlarni talab qilishga, operatsiya summasini cheklash, operatsiyani cheklash (rad etish) yoki xizmat ko‘rsatishni rad etish va Mijoz bilan tuzilgan shartnomani bir tomonlama bekor qilishga haqli;

- O‘zbekiston Respublikasi qonun hujjatlari, shuningdek, O‘zbekiston Respublikasi Markaziy bankining me‘yoriy hujjatlari bilan Bank zimmasiga yuklatilgan majburiyatlarni bajarishga qaratilgan boshqa harakatlarni amalga oshirish;

- omonatdagi mablag‘lar qoldig‘ining omonat daftaridagi yozuvlarga muvofiqligini tekshirish uchun Mijozning Bankka kelishi zarurati to‘g‘risida Mijozni yozma yoki telefon orqali xabardor qilish;

- qonun hujjatlarida belgilangan tartibda ushbu Shartnomani bekor qilish talabini qo‘yish.

- Mijoz ushbu bilan Bank tegishli ma‘lumotlarni Bank veb-saytida kamida 10 (o‘n) kalendar kuni oldin joylashtirish orqali Mijozni avvaldan xabardor qilgan holda quyidagilarni o‘z ixtiyoriga ko‘ra o‘zgartirishi mumkinligiga rozilik bildiradi, jumladan:

- Bank Tariflariga o‘zgartirish va qo‘shimchalar kiritish: Mijoz tomonidan Bankka komissiya to‘lash va mazkur shartnoma bo‘yicha bank xizmatlari bilan bog‘liq boshqa to‘lovlarni amalga oshirishning miqdori, tartibi va shartlarini o‘zgartirish;
- ushbu Ofertaga o‘zgartirish va qo‘shimchalar kiritish; Bank operatsiyalari bo‘yicha limitlar o‘rnatish va ularni o‘zgartirish.

5.2. Bank quyidagilarni o‘z zimmasiga oladi:

- ushbu shartnomada nazarda tutilgan tartibda va shartlarda Mijozning bank hisob raqamiga tushayotgan pul mablag‘larini qabul qilish va hisobdan chiqarish, Mijozning hisob raqamidan tegishli mablag‘larni o‘tkazish va yechib olish bo‘yicha topshiriqlarini bajarish, omonatga doir amaliyotlar bo‘yicha boshqa harakatlarni amalga oshirish;

- Mijozning hisob raqamiga pul mablag‘larini o‘tkazish yoki tegishli to‘lov hujjati Bank tomonidan qabul qilingan kunning o‘zida uning hisob raqamidan pul mablag‘larini chiqarish, agar u Bankning amaliyot o‘tkazish kunida kelib tushgan bo‘lsa. Agar to‘lov hujjati amaliyot kuni tugaganidan keyin kelib tushgan bo‘lsa, Bank keyingi ish kunidan kechiktirmay to‘lovni amalga oshirishi shart;

- Mijozning hisob raqami bo‘yicha amaliyotlarni sir saqlash. Mijozning rozilgisiz hisob raqam bo‘yicha amaliyotlar to‘g‘risidagi ma‘lumotlar faqat O‘zbekiston Respublikasining amaldagi qonunlarida nazarda tutilgan hollarda uchinchi shaxslarga taqdim etiladi;

- Mijoz tariflar bilan mustaqil ravishda tanishishi uchun Bankning www.infinbank.com
- rasmiy saytiga Bank tariflarini joylashtirish;
- naqd pul qo‘yish uchun Mijozni ariza blankalari bilan ta‘minlash;
- Mijozning talabiga binoan hisob raqamdan o‘rnatilgan tartibda ko‘chirmalar taqdim etish.

5.3. Bank O‘zbekiston Respublikasining amaldagi qonun hujjatlariga muvofiq boshqa huquq va majburiyatlarga ham ega bo‘lishi mumkin.

5.4. Bank amaliyotlari bo‘yicha o‘rnatilgan limitlardan oshgan amaliyotlarni underwriting tekshiruvdan o‘tkazgan holda bajaradi.

6. TOMONLARNING JAVOBGARLIGI

6.1. Mijoz o‘zi tomonidan Bankka taqdim etilgan pul-hisob-kitob yoki boshqa hujjatlardagi ma‘lumotlarning noto‘g‘riligi yoki soxtaligi uchun javobgar bo‘ladi va Bankka bunday ma‘lumotlarni taqdim etish natijasida yetkazilgan zararni qoplashi shart.

6.2. Mijoz telefon raqami o‘zgarganligi haqida Bankni o‘z vaqtida xabardor qilmagan taqdirda, Bank Mijozning mobil telefoniga omonat to‘g‘risida SMS-ma‘lumot jo‘natganda bank sirlarining oshkor etilishi uchun, shuningdek, unga omonat bo‘yicha xabarlarini o‘z vaqtida yubormaganlik uchun javobgar bo‘lmaydi.

6.3. Mazkur shartnomada nazarda tutilmagan hollarda Tomonlar (Bank va Mijoz) ushbu shartnoma bo'yicha o'z zimmlariga olgan majburiyatlarni buzganliklari uchun O'zbekiston Respublikasining amaldagi qonunlariga muvofiq javobgar bo'ladilar.

7. FORS-MAJOR

7.1. Tomonlar ushbu shartnoma bo'yicha majburiyatlarni bajarmaganlik yoki lozim darajada bajarmaganlik uchun javobgarlikdan ozod qilinadilar, agar ushbu shartnoma tuzilganidan keyin Tomonlar oldindan ko'ra olmagan va oqilona choralar bilan oldini ololmagan favqulodda holatlar oqibatida yuzaga kelgan engib bo'lmas kuch natijasida bo'lsa.

7.2. Engib bo'lmas kuch holatlari yuzaga kelgan taqdirda, ushbu shartnoma bo'yicha majburiyatlarni bajarish muddatlari bunday holatlar va ularning oqibatlari amal qiladigan vaqtga mutanosib ravishda kechiktiriladi.

8. SHARTNOMANING AMAL QILISH MUDDATI

8.1. Ushbu shartnoma Bank tomonidan Mijoz aksepti olingan paytdan va omonat summasi Bankka kelib tushgan kundan boshlab yozma shaklda tuzilgan deb hisoblanadi va Tomonlardan biri uni bekor qilmaguncha amal qiladi.

8.2. Ushbu shartnoma Mijozning arizasiga binoan istalgan vaqtda bekor qilinishi mumkin.

8.3. Bankning talabiga binoan ushbu shartnoma O'zbekiston Respublikasi qonun hujjatlarida nazarda tutilgan hollarda bekor qilinishi mumkin.

8.4. Muddatli omonat shartnomasini bekor qilish Mijozning hisob raqamini yopish uchun asos hisoblanadi.

9. SHARTNOMANING BOSHQA SHARTLARI

9.1. Shaxsiy ma'lumotlar to'g'risidagi qonunchilik talablariga muvofiq, Mijoz Bankka o'z faoliyatini yuritish, Bank tomonidan mazkur shartnoma shartlarini bajarish hamda O'zbekiston Respublikasi qonunchiligiga zid bo'lmagan boshqa maqsadlarda Bank tomonidan Mijozning har qanday shaxsiy ma'lumotlariga ishlov berish va ulardan foydalanishga muddatsiz roziligini taqdim etadi.

9.2. Ushbu bilan Mijoz barcha aloqa vositalari: pochta tarqatmasi, SMS-tarqatma, ovozli tarqatma, elektron xatlar tarqatmasi va h.k.dan foydalangan holda, ammo ular bilan cheklanmasdan bevosita aloqalarni amalga oshirish yo'li bilan Bank xizmatlarini targ'ib qilish bilan bog'liq reklama materiallarini Bankdan qabul qilishga o'z roziligini bildiradi.

9.3. Omonat muddati tugaganidan keyin talab qilib olinmaguncha omonatga pul mablag'lar o'tkazilgandan so'ng, Mijozning arizasiga asosan (ushbu ofertaga 2-ilova):

- Agar bir yil davomida hisobvaraqa hech qanday operatsiyalar amalga oshirilmasa va hisobda qoldiq bo'lmasa, Bank shartnomani bekor qiladi va Mijozning hisobvarag'ini yopadi;

- Agar bir yil davomida hisobvaraqa bo'yicha operatsiyalar amalga oshirilmagan bo'lsa va hisobvaraqa bo'yicha qoldiq mavjud bo'lsa, hisobvaraqdagi qoldiq Bank tomonidan harakatsiz hisob raqamiga o'tkaziladi, shundan so'ng ushbu shartnoma bekor qilinadi va Mijozning hisobvarag'i yopiladi.

9.4. Agar Mijoz bank hisobvarag'idagi qoldiq harakatsiz hisobvaraqa o'tkazilganidan keyin 10 yil davomida ushbu qoldiqni talab qilmasa, harakatsiz hisobvaraqdagi qoldiq "29840

– Moliya vazirligiga o'tkaziladigan talab qilib olinmagan depozitlar" hisobvarag'iga o'tkaziladi.

9.5. Agar texnik jihatdan imkon bo'lsa, omonat (omonat ochilayotgan filialda ochilgan barcha depozitlar) ochishda omonat qoldig'i, kirim va chiqim amaliyotlari to'g'risida va boshqa zarur ma'lumotlarni Mijozning mobil telefoniga yuborish uchun SMS-xabarnoma xizmati ulanadi.

9.6. Omonat bo'yicha amaliyotlar to'xtatib qo'yilgan hollarda, Bank amaliyotlar to'xtatilgan kundan boshlab keyingi ish kunidan kechiktirmay Mijozga uning hisob raqamiga xizmat ko'rsatish to'xtatib qo'yilganligi va uning sabablari to'g'risida ma'lumot (xabar) yuboradi.

9.7. Kreditlar, mikroqarzlarni va lizing bo'yicha qarzlarni to'lash uchun omonatdan pul mablag'lari Mijozning topshirig'isiz yechib olingan taqdirda, Bank pul mablag'lari hisobdan chiqarilgan kundan boshlab keyingi ish kunidan kechiktirmay Mijozga pochta orqali yechib olingan summa va buning sabablari, shuningdek u kimning foydasiga amalga oshirilganligi haqida xabarnoma yuboradi.

9.8. Ushbu Shartnomaning 9.6 va 9.7-bandlarida nazarda tutilgan ma'lumotlar (xabarnomalar) Mijozga shaxsan, elektron aloqa va boshqa aloqa kanallari orqali ham yetkazilishi mumkin. Mijoz ma'lumotni (xabarnomani) yetkazib berish usulini Bankka shaxsan kelib yoki pochta orqali yozma ariza berish yo'li bilan o'zgartirishga haqli. Shu bilan birga Mijozdan qabul qilingan ariza Bank tomonidan uning bank hisob raqamiga doir yig'ma jildda yoki omonat hisob raqamlari bo'yicha alohida kartotekada saqlanadi. Ma'lumotnomani (xabarnomani) Mijozga yetkazib berish usulining o'zgarishi munosabati bilan ushbu shartnomaga o'zgartirishlar kiritish talab etilmaydi.

9.9. Hisobvaraقدan foydalangan holda bank operatsiyalarini masofaviy amalga oshirishda Mijoz quyidagilar haqida ogohlantiriladi:

- noqonuniy operatsiyalarga aralashib qolish xavfi Mijozning zimmasida ekanligi haqida;
- Mijoz noqonuniy operatsiyalarga aralashib qolgan taqdirda, Bank O'zbekiston Respublikasining amaldagi qonunchiligiga muvofiq tegishli choralar ko'rishi haqida.

9.10. Bankning bank operatsiyalarini amalga oshirish huquqiga litsenziyasi O'zbekiston Respublikasi Markaziy banki tomonidan chaqirib olingan taqdirda Mijozning Bankdagi omonati bo'yicha haq to'lashni kafolatlash Fuqarolarning banklardagi omonatlarini kafolatlash fondi tomonidan amalga oshiriladi. Fond tomonidan Mijozning Bankdagi omonati bo'yicha haq to'lashning kafolatlanishi Bank qayta tashkil etilishi munosabati bilan litsenziya chaqirib olingan holatlarga tatbiq etilmaydi.

9.11. Ushbu Shartnomadan kelib chiqadigan barcha nizolarni Tomonlar ikki tomonlama muzokaralar yo'li bilan hal qiladilar. Tomonlar kelishuvga erishmagan kelishmovchiliklar bank joylashgan joy bo'yicha sudda hal qilinadi.

9.12. Ushbu Taklifni qabul qilish orqali Mijoz Shartnomaning barcha shartlarini so'zsiz qabul qilganligini tasdiqlaydi va uni bajarish majburiyatini oladi.

9.13. Bank ushbu Ofertaning yangi tahririni va Bank Tariflarini veb-saytga joylashtirish orqali ushbu Oferta shartlariga o'zgartirish kiritish huquqiga ega. Kiritilgan o'zgarishlar Bankning rasmiy veb-saytida joylashtirilgan paytdan boshlab Bank va Mijoz uchun majburiy bo'lib qoladi.

10. BANK REKVIZITLARI

“InFinBank” AJ

STIR: 206 942 764, MFO: 01041, OKED (IFTK): 64190

Manzil: 100029, Toshkent sh., T. Shevchenko ko'chasi, 1-uy

Qisqa raqam: (1214)

Jismoniy shaxslarga milliy va xorijiy valyutada muddatli omonat hisob raqamini ochish va unga xizmat ko'rsatish uchun shartnoma tuzish to'g'risidagi

Ommaviy oferta ga 1-ilova.



Hisob raqam ochish uchun ARIZA

	dan
--	-----

Hisob raqam ochishingizni soʻrayman:

Hisob raqam turi:

- ☐ Talab qilib olinguncha depozit;
- ☐ Muddatli depozit;
- ☐ Omonat depoziti;
- ☐ Boshqa _____ ;

Hisob raqam valyutasi:

- ☐ So'm
- ☐ AQSH dollari;
- ☐ Yevro;
- ☐ Boshqa _____;

Omonat daftarchasini o'z xohishiga ko'ra rasmiylashtirish ☐ **rasmiylashtirmaslik** ☐

O'z imzoim namunasini beraman

Omonat muddati tugagandan so‘ng, talab qilib olinguncha hisob raqamiga pul mablag‘lari o‘tkazilgandan so‘ng:

- Agar bir yil davomida hisobvarag‘im bo‘yicha amaliyotlar amalga oshirilmasa va hisobvarag‘imda qoldiq bo‘lmasa, shartnomani bekor qilishingizni va hisobvarag‘imni yopishingizni;

- Agar bir yil davomida hisobvarag‘im bo‘yicha amaliyotlar amalga oshirilmasa va hisobvarag‘imda qoldiq mavjud bo‘lsa, hisobvarag‘imdagi qoldiqni harakatsiz hisob raqamga o‘tkazishingizni, shundan so‘ng shartnomani bekor qilishingizni va hisobvarag‘imni yopishingizni so‘rayman.

Ommaviy oferta shartlari va hisob raqamga xizmat ko'rsatish tariflari bilan tanishdim va roziman.

Hisob raqam egasining imzosi

Sana vil

BANKNING ISHGA OID QAYDNOMALARI

Ishga oid harakat/qaror/ qaydlar	Hodimning F.I.SH.	Imzo
Arizani qabul qildi	_____	

[illegible]

Bank muassasi kodi (MFO)					
-----------------------------	--	--	--	--	--

